



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔՆՆՉԱԿԱՆ ԿՈՄԻՏԵԻ ՆԱԽԱԳԱՀԻ ՀՐԱՄԱՆ

« 04 » 04 2025 թ.

Թիվ 100-2

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔՆՆՉԱԿԱՆ ԿՈՄԻՏԵԻ ՆԱԽԱԳԱՀԻ 2021
ԹՎԱԿԱՆԻ ԴԵԿՏԵՄԲԵՐԻ 15-Ի ԹԻՎ 171/2-Լ ՀՐԱՄԱՆՈՒՄ ՓՈՓՈԽՈՒԹՅՈՒՆՆԵՐ
ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի
Հանրապետության օրենքի 1-ին հոդվածի 2-րդ մասով, 34-րդ հոդվածի 1-ին մասով և
«Հայաստանի Հանրապետության քննչական կոմիտեի մասին» Հայաստանի
Հանրապետության օրենքի 12-րդ հոդվածի 2-րդ մասի 3-րդ կետով.

Հրամայում եմ.

1. Հայաստանի Հանրապետության քննչական կոմիտեի նախագահի 2021
թվականի դեկտեմբերի 15-ի «Հայաստանի Հանրապետության քննչական կոմիտեում
ինքնավար պաշտոն զբաղեցնող անձանց թեկնածությունների ցուցակի համալրման
նպատակով գրավոր քննության հարցաշարը և Հայաստանի Հանրապետության
քննչական կոմիտեի ինքնավար պաշտոն զբաղեցնող անձանց ատեստավորման
հարցաշարերը հաստատելու մասին» թիվ 171/2-Լ հրամանում (այսուհետ՝ հրաման)
կատարել հետևյալ փոփոխությունները.

1) հրամանի վերնագրում «կոմիտեի ինքնավար պաշտոն զբաղեցնող անձանց
ատեստավորման հարցաշարերը» բառերը փոխարինել «կոմիտեում ինքնավար պաշտոն
զբաղեցնող անձանց ատեստավորման հարցաշարը» բառերով.


2) հրամանի 2-րդ կետը շարադրել հետևյալ խմբագրությամբ.

«2. Հաստատել Հայաստանի Հանրապետության քննչական կոմիտեում ինքնավար
պաշտոն զբաղեցնող անձանց ատեստավորման հարցաշարը՝ համաձայն N 2
հավելվածի:».

3) հրամանի N 2 հավելվածը շարադրել հետևյալ խմբագրությամբ՝ համաձայն հավելվածի.

4) ուժը կորցրած ճանաչել հրամանի N 3 և N 4 հավելվածները:

2. Սույն հրամանն ուղարկել Հայաստանի Հանրապետության քննչական կոմիտեի նախագահի տեղակալներին, Հայաստանի Հանրապետության քննչական կոմիտեի որակավորման հանձնաժողովի նախագահին և անդամներին, Հայաստանի Հանրապետության քննչական կոմիտեի հիմնական մասնագիտական կառուցվածքային ստորաբաժանումների պետերին և մյուս ինքնավար պաշտոն զբաղեցնող անձանց, Հայաստանի Հանրապետության քննչական կոմիտեի գլխավոր քարտուղարին, Հայաստանի Հանրապետության քննչական կոմիտեի անձնակազմի կառավարման վարչության պետին:



Ա. ՊՈՂՈՍՅԱՆ

Հավելված
Հայաստանի Հանրապետության
քննչական կոմիտեի նախագահի
04 04 2025թ. N 100-Լ հրամանի

«Հավելված N 2
Հայաստանի Հանրապետության
քննչական կոմիտեի նախագահի
15.12.2021թ.
թիվ 171/2-Լ հրամանի

ՀԱՐՑԱՇԱՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔՆՆՉԱԿԱՆ ԿՈՄԻՏԵՈՒՄ ԻՆՔՆԱՎԱՐ ՊԱՇՏՈՆ
ԶԲԱՂԵՑՆՈՂ ԱՆՁԱՆՑ ԱՏԵՍԱՎՈՐՄԱՆ

1. Հայաստանի Հանրապետության քրեական իրավունք.

- 1) Հանցանքի հասկացությունը, հատկանիշները և տեսակները.
- 2) Շարունակվող և տևող հանցագործությունները.
- 3) Հանցագործությունների համակցությունը.
- 4) Մեղքի հասկացությունը և ձևերը.
- 5) Քրեական պատասխանատվության սուբյեկտի և հատուկ սուբյեկտի հասկացությունները.
- 6) Սխալը և դրա քրեաիրավական նշանակությունը.
- 7) Քրեական պատասխանատվության հասկացությունը և հիմքը.
- 8) Հանցագործության նախապատրաստությունը.
- 9) Հանցափորձը և դրա տեսակները.
- 10) Հանցակցության հասկացությունը և հատկանիշները.
- 11) Հանցակիցների տեսակները և նրանց բնութագիրը, հանցակիցների պատասխանատվությունը, հանցակցի սահմանազանցումը.
- 12) Անմեղսունակությունը.
- 13) Անհրաժեշտ պաշտպանությունը.
- 14) Ծայրահեղ անհրաժեշտությունը.
- 15) Քրեական պատասխանատվությունը կամ պատիժը մեղմացնող և ծանրացնող հանգամանքները.
- 16) Քրեական պատասխանատվությունից ազատելու հիմքերը.
- 17) Սպանության քրեաիրավական բնութագիրը.

- 18) Առանձին դաժանությամբ սպանության քրեաիրավական բնութագիրը.
- 19) Այլ անձանց կյանքի համար վտանգավոր եղանակով սպանության քրեաիրավական բնութագիրը.
- 20) Հոգեկան խիստ հուզմունքի վիճակում կատարված սպանության քրեաիրավական բնութագիրը.
- 21) Ինքնասպանության հասցնելու, ինքնասպանության հակելու, ինքնասպանությանը նպաստելու քրեաիրավական բնութագիրը.
- 22) Անզգուշությամբ կյանքից զրկելու քրեաիրավական բնութագիրը.
- 23) Առողջությանը ծանր վնաս պատճառելու քրեաիրավական բնութագիրը.
- 24) Առողջությանը միջին ծանրության վնաս պատճառելու քրեաիրավական բնութագիրը.
- 25) Մարդուն առևանգելու և ազատությունից ապօրինի զրկելու քրեաիրավական բնութագիրը.
- 26) Մարդու թրաֆիքինգի կամ շահագործման քրեաիրավական բնութագիրը.
- 27) Հոգեկան ներգործության և ֆիզիկական ներգործության քրեաիրավական բնութագիրը.
- 28) Բնակարանի անձեռնմխելիությունը խախտելու քրեաիրավական բնութագիրը.
- 29) Անչափահասին հանցանքի կատարմանը հակելու կամ դրան մասնակից դարձնելու քրեաիրավական բնութագիրը.
- 30) Ավազակության քրեաիրավական բնութագիրը.
- 31) Գողության և կողոպուտի որակման առանձնահատկությունները.
- 32) Խարդախության քրեաիրավական բնութագիրը.
- 33) Վստահված գույքը հափշտակելու քրեաիրավական բնութագիրը.
- 34) Շորթման քրեաիրավական բնութագիրը.
- 35) Գույքը ոչնչացնելու կամ վնասելու քրեաիրավական բնութագիրը.
- 36) Ապօրինի ձեռնարկատիրական գործունեության քրեաիրավական բնութագիրը.
- 37) Հանցավոր ճանապարհով ստացված գույք ձեռք բերելու, իրացնելու կամ իրացմանն աջակցելու քրեաիրավական բնութագիրը.
- 38) Փողերի լվացման քրեաիրավական բնութագիրը.
- 39) Խուլիգանության քրեաիրավական բնութագիրը.
- 40) Պատանդ վերցնելու կամ պահելու քրեաիրավական բնութագիրը.
- 41) Օրենքով սահմանված կարգի խախտմամբ հավաք կազմակերպելու կամ անցկացնելու քրեաիրավական բնութագիրը.
- 42) Ճանապարհային երթևեկության անվտանգության ապահովմանն ուղղված պահանջները կամ ճանապարհային երթևեկության կամ տրանսպորտային միջոցների շահագործման անվտանգությունն ապահովող կանոնները խախտելու քրեաիրավական բնութագիրը.
- 43) Տրանսպորտային միջոցներ վարելու իրավունքից զրկված կամ այդ իրավունքը կասեցված անձի կողմից տրանսպորտային միջոցներ վարելու կամ այդ անձի կամ

տրանսպորտային միջոցներ վարելու իրավունք չունեցող անձի կողմից հարբած (ոչ սթափ) վիճակում տրանսպորտային միջոց վարելու կամ սթափության վիճակի զննություն անցնելուց հրաժարվելու կամ խուսափելու քրեաիրավական բնութագիրը.

44) Իրացնելու նպատակով թմրամիջոցների, հոգեմետ (հոգեներգործուն) նյութերի, դրանց պատրաստուկների կամ դրանց համարժեք նյութերի (անալոգի) կամ դրանց ածանցյալների ապօրինի շրջանառության կամ դրանք ապօրինի իրացնելու քրեաիրավական բնութագիրը.

45) Ինքնիրավչության քրեաիրավական բնութագիրը.

46) Պարտադիր զինվորական կամ այլընտրանքային ծառայությունից կամ զորահավաքային զորակոչից խուսափելու քրեաիրավական բնութագիրը.

47) Սուտ մատնության քրեաիրավական բնութագիրը.

48) Հրաման չկատարելու քրեաիրավական բնութագիրը.

49) Զորամասը կամ ծառայության վայրն ինքնակամ թողնելու կամ ժամանակին ծառայության վայր չներկայանալու քրեաիրավական բնութագիրը.

50) Դասալքության քրեաիրավական բնութագիրը:

2. Հայաստանի Հանրապետության քրեական դատավարության իրավունք.

1) Քրեական հետապնդման հասկացությունը և տեսակները.

2) Քրեական հետապնդումը բացառող հանգամանքները և քրեական վարույթի կարճման հիմքերը.

3) Քննիչը որպես քրեական վարույթի հանրային մասնակից և նրա լիազորությունները.

4) Քննչական մարմնի ղեկավարի լիազորությունները.

5) Մեղադրյալի և մեղադրյալի օրինական ներկայացուցչի իրավունքները և պարտականությունները.

6) Տուժողի իրավունքները և պարտականությունները.

7) Մահացած տուժողի կամ տուժող ճանաչվելու ենթակա անձի փոխարեն տուժող ճանաչելը.

8) Տուժողի օրինական և լիազոր ներկայացուցիչները, նրանց իրավունքները և պարտականությունները.

9) Քրեական վարույթին պաշտպանի մասնակցության հիմքերը, պայմանները, պաշտպանի պարտադիր մասնակցությունը, պաշտպանից հրաժարվելը.

10) Վկայի վարութային կարգավիճակը, անձինք ովքեր չեն կարող հարցաքննվել որպես վկա.

11) Ապացույցի տեսակները.

12) Ապացույցների թույլատրելիությունը և դրանց օգտագործման սահմանափակումները.

13) Ապացուցման հասկացությունը և ապացուցման ենթակա փաստական հանգամանքները.

14) Որոշակի ապացույցներով հաստատվող հանգամանքները.

15) Ձերբակալման տեսակները, ժամկետների հաշվարկման կարգը և ձերբակալումից ազատելու հիմքերը.

16) Ձերբակալվածի նվազագույն իրավունքները.

17) Խափանման միջոցների տեսակները, կիրառման իրավաչափությունը.

18) Կալանքը որպես խափանման միջոց, կալանքի իրավաչափության առանձնահատկությունները.

19) Կալանքի տակ պահելու ժամկետները.

20) Այլընտրանքային խափանման միջոցների իրավաչափության առանձնահատկությունները.

21) Գրավի և պաշտոնավարման կասեցման հասկացությունները, դրանց կիրառման առանձնահատկությունները.

22) Բացակայելու արգելքի և երաշխավորության հասկացությունները, դրանց կիրառման կարգը.

23) Դաստիարակչական հսկողության և գինվորական հսկողության հասկացությունները դրանց կիրառման կարգը.

24) Խափանման միջոցը փոխելու կամ վերացնելու հիմքերը և կարգը.

25) Գույքի արգելադրման նպատակը, հիմքերը, կարգը և տևողությունը.

26) Քրեական վարույթին ներգրավված անձանց նկատմամբ կիրառվող հատուկ պաշտպանության միջոցների տեսակները, դրանց կիրառման հիմքերը և կարգը.

27) Քրեական վարույթի ընթացքում հատուցման ենթակա գույքային վնասը, գույքային հայցի հարուցման և լուծման կարգը.

28) Վարույթն իրականացնող մարմնին հարկադրաբար ներկայացնելու հիմքերը և կարգը.

29) Վարույթին մասնակցող փաստաբանին, լիազոր ներկայացուցչին և օրինական ներկայացուցչին վարույթից հեռացնելու հիմքերը և կարգը.

30) Քրեական վարույթին ներգրավված անձի իրավունքների և պարտականությունների պարզաբանման կարգը, ծանուցման եղանակները և դրա պատշաճությունը.

31) Միջնորդության հասկացությունը, հարուցման, լուծման և միջնորդության վերաբերյալ կայացված որոշման բողոքարկման կարգը.

32) Քրեական վարույթ նախաձեռնելու պարտականությունը, հաղորդումների տեսակները և դրանց ներկայացվող պահանջները.

33) Քրեական վարույթ նախաձեռնելու կարգը, քրեական վարույթ չնախաձեռնելը.

34) Նախաքննության կատարման վայրը և սկիզբը.

35) Նախաքննության կատարումը քննչական խմբի կողմից, քննչական խմբի ղեկավարի լիազորությունները.

- 36) Հետաքննություն կատարելու հիմքը, սկիզբը և ավարտը.
- 37) Հանրային հետապնդում հարուցելու հիմքը և կարգը.
- 38) Մեղադրանք ներկայացնելու, մեղադրանքը փոփոխելու և լրացնելու կարգը.
- 39) Հանրային քրեական հետապնդման ժամկետները, դրանք կասեցնելու, վերսկսելու հիմքերը և կարգը.
- 40) Հանրային քրեական հետապնդում չհարուցելու կամ այն դադարեցնելու կարգը.
- 41) Քրեական վարույթով մեղադրական եզրակացություն կազմելը, մեղադրական եզրակացությունը և դրա հավելվածները.
- 42) Մեղադրական եզրակացությամբ ստացված վարույթի նյութերով ստուգման ենթակա հանգամանքները և դատախազի կողմից կայացվող որոշումները.
- 43) Քրեական վարույթը կարճելու և կարճման որոշումը բողոքարկելու կարգը.
- 44) Քրեական վարույթի նյութերին ծանոթանալու կարգը.
- 45) Քննչական գործողությունների տեսակները, կատարմանը հիմքերը.
- 46) Քննչական գործողությունների մասնակիցները և նրանց իրավունքների պաշտպանության ընդհանուր երաշխիքները.
- 47) Անչափահասի, անգործունակի կամ հոգեկան առողջության խնդիր ունեցող անձի, խլություն, համրություն կամ ծանր հիվանդություն ունեցող անձի մասնակցությամբ կատարվող քննչական գործողությունների առանձնահատկությունները.
- 48) Հարցաքննության ընդհանուր պայմանները.
- 49) Վկայի և տուժողի հարցաքննության դատավարական կարգը.
- 50) Ձերբակալվածի և մեղադրյալի հարցաքննության դատավարական կարգը.
- 51) Առերեսման դատավարական կարգը.
- 52) Ցուցմունքը տեղում ստուգելու և փորձարարության դատավարական կարգը.
- 53) Ձննում, արտաշիրմում և քննում կատարելու դատավարական կարգը.
- 54) Ճանաչման ընդհանուր պայմանները և առանձնահատկությունները.
- 55) Տեղեկատվության պահանջի հիմքերը և դատավարական կարգը.
- 56) Խուզարկություն և առգրավում կատարելու հիմքերն ու դատավարական կարգը.
- 57) Գաղտնի քննչական գործողությունների տեսակները, դրանց կատարման հիմքը և պայմանները.
- 58) Գաղտնի քննչական գործողությունների իրավաչափության երաշխիքները.
- 59) Փորձաքննության նպատակը, սահմանները, այն կատարելու հիմքը և կարգը.
- 60) Փորձաքննությունների տեսակները.
- 61) Փորձաքննության համար նմուշ ստանալը.
- 62) Ապացուցողական գործողությունների կատարման դատական երաշխիքների շրջանակը, ապացուցողական գործողություններ կատարելու կամ գաղտնի քննչական գործողություններ կատարելու ժամկետը երկարաձգելու վարույթ հարուցելու կարգը.
- 63) Սեփականության իրավունքի սահմանափակման իրավաչափության նկատմամբ դատական երաշխիքների շրջանակը, իրավաչափության ստուգման վարույթի

իրականացման կարգը և սեփականության իրավունքի սահմանափակման իրավաչափության հաստատման միջնորդության վերաբերյալ ընդունվող որոշումները.

64) Հանրային մասնակիցների վարութային ակտերի իրավաչափության դատական երաշխիքների շրջանակը և բողոքարկման կարգը.

65) Ցուցմունքի դատական դեպոնացման կարգը.

66) Անչափահասներին վերագրվող հանցանքների վերաբերյալ վարույթի առանձնահատկությունները.

67) Բժշկական բնույթի հարկադրանքի միջոցներ կիրառելու վարույթի առանձնահատկությունները.

68) Իրավաբանական անձի վերաբերյալ վարույթի առանձնահատկությունները.

69) Համագործակցության վարույթի նպատակը, կիրառելու հիմքը, համագործակցության միջնորդություն ներկայացնելու, համաձայնագիր կազմելու և համագործակցությունից հրաժարվելու կարգը.

70) Մեղադրյալի բացակայությամբ իրականացվող վարույթի հիմքը և պայմանները.

3. Քրեագիտություն.

1) Նախաքննության պլանավորումը և քննչական պլանը, սկզբունքները, նպատակը, տեսակները.

2) Քննչական վարկածները և դրանց ստուգմանն ուղղված գործողությունները.

3) Դեպքի վայրի զննության հասկացությունը, եղանակները և առանձնահատկությունները.

4) Դեպքի վայրի զննության առանձնահատկությունները դիակի առկայության դեպքում.

5) Դեպքի վայրի զննության ընթացքում առարկաներ, հետքեր (օբյեկտներ) վերցնելու տակտիկական առանձնահատկությունները.

6) Հետքերի քրեագիտական հասկացությունը և դասակարգումը.

7) Մարդու ձեռքի և ոտքի հետքերը, մատնահետքերը և կենսաբանական այլ հետքերը (տեսակները, հայտնաբերումը և ֆիքսումը).

8) Տրանսպորտային միջոցների հետքերը.

9) Հանցագործության գործիքների հետքերը.

10) Հարցաքննության պլանավորումն ու կազմակերպումը.

11) Անչափահասի հարցաքննության տակտիկական առանձնահատկությունները.

12) Ձերբակալվածի և մեղադրյալի հարցաքննության տակտիկական առանձնահատկությունները.

13) Տուժողի և վկայի հարցաքննության տակտիկական առանձնահատկությունները.

14) Խուզարկության տակտիկական առանձնահատկությունները.

- 15) Փորձարարության տակտիկական առանձնահատկությունները.
- 16) Առերեսման տակտիկական առանձնահատկությունները.
- 17) Դատաբժշկական փորձաքննություն նշանակելու հիմքերը և պարզաբանման ենթակա հարցերը.
- 18) Դատահոգեբուժական և դատահոգեբանական փորձաքննություններ նշանակելու հիմքերը և պարզաբանման ենթակա հարցերը.
- 19) Դատակենսաբանական փորձաքննություն նշանակելու հիմքերը և պարզաբանման ենթակա հարցերը, ԴՆԹ իդենտիֆիկացիոն հետազոտությունների նշանակությունը քննության համար.
- 20) Դատաձգաբանական փորձաքննություն նշանակելու հիմքերը և պարզաբանման ենթակա հարցերը.
- 21) Դատամատնադրոշմային փորձաքննություն նշանակելու հիմքերը և պարզաբանման ենթակա հարցերը.
- 22) Դատահետքաբանական փորձաքննություն նշանակելու հիմքերը և պարզաբանման ենթակա հարցերը.
- 23) Դատաավտոտեխնիկական փորձաքննություն նշանակելու հիմքերը և պարզաբանման ենթակա հարցերը.
- 24) Դատաձեռագրաբանական փորձաքննություն նշանակելու հիմքերը և պարզաբանման ենթակա հարցերը.
- 25) Դատահաշվապահական և դատաֆինանսատնտեսագիտական փորձաքննություններ նշանակելու հիմքերը և պարզաբանման ենթակա հարցերը.
- 26) Փաստաթղթերի տեխնիկական հետազոտության վերաբերյալ փորձաքննություններ նշանակելու հիմքերը և պարզաբանման ենթակա հարցերը.
- 27) Սպանության քննության առանձնահատկությունները (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).
- 28) Առողջությանը վնաս պատճառելու քննության առանձնահատկությունները (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).
- 29) Մարդու թրաֆիքինգի կամ շահագործման քննության առանձնահատկությունները (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).
- 30) Սեքսուալ բնույթի բռնի գործողությունների քննության առանձնահատկությունները (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).
- 31) Շինարարական, լեռնահանքային կամ այլ աշխատանքների կատարման ընթացքում աշխատանքի պաշտպանության կամ անվտանգության ապահովման կանոնները կամ պահանջները խախտելու քննության առանձնահատկությունները.

32) Ավագակության և կողոպուտի քննության մեթոդիկան (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).

33) Գողության քննության մեթոդիկան, (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).

34) Խարդախության քննության մեթոդիկան (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).

35) Խուլիգանության քննության մեթոդիկան.

36) Թմրամիջոցների ապօրինի շրջանառության գործերով քննության մեթոդիկան (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).

37) Իրացնելու նպատակով կեղծ արժույթ, արտարժույթ, արժեթղթեր, վճարահաշվարկային այլ փաստաթղթեր կամ վճարային գործիքներ պատրաստելու, պահելու, տեղափոխելու, առաքելու, ձեռք բերելու կամ դրանք իրացնելու քննության մեթոդիկան.

38) Ճանապարհային երթևեկության անվտանգության ապահովման և տրանսպորտային միջոցների շահագործման կանոնները խախտելու քննության մեթոդիկան (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).

39) Սուտ մատնության քննության առանձնահատկությունները (վարկածներ, անհետաձգելի քննչական գործողություններ, սկզբնական և հետագա փուլերի գործողություններ).

40) Զինվորական ծառայության սահմանված կարգի դեմ ուղղված հանցագործությունների քննության առանձնահատկությունները (վարկածներ, անհետաձգելի քննչական գործողություններ, սկզբնական և հետագա փուլերի գործողություններ):

4. «Հայաստանի Հանրապետության քննչական կոմիտեի մասին» Հայաստանի Հանրապետության օրենք, Հայաստանի Հանրապետության քննչական կոմիտեի (այսուհետ՝ Կոմիտե) նախագահի կողմից ընդունված ներքին իրավական ակտեր և Վճռաբեկ դատարանի քրեական գործերով որոշումներ.

1) Կոմիտեում ինքնավար պաշտոն զբաղեցնող անձի իրավունքները և պարտականությունները («Հայաստանի Հանրապետության քննչական կոմիտեի մասին» Հայաստանի Հանրապետության օրենք).

2) Կոմիտեում ինքնավար պաշտոն զբաղեցնող անձի նկատմամբ կիրառվող խրախուսման միջոցների տեսակները և նշանակելու ընթացակարգը

(«Հայաստանի Հանրապետության քննչական կոմիտեի մասին» Հայաստանի Հանրապետության օրենք).

3) Կոմիտեում ինքնավար պաշտոն զբաղեցնող անձի նկատմամբ կիրառվող կարգապահական տույժի տեսակները և նշանակելու ընթացակարգը («Հայաստանի Հանրապետության քննչական կոմիտեի մասին» Հայաստանի Հանրապետության օրենք).

4) Կոմիտեում ինքնավար պաշտոն զբաղեցնող անձանց կադրերի ռեզերվը («Հայաստանի Հանրապետության քննչական կոմիտեի մասին» Հայաստանի Հանրապետության օրենք).

5) Կոմիտեում ինքնավար պաշտոն զբաղեցնող անձի ատեստավորումը («Հայաստանի Հանրապետության քննչական կոմիտեի մասին» Հայաստանի Հանրապետության օրենք).

6) Կոմիտեում ինքնավար պաշտոն զբաղեցնող անձի նկատմամբ կիրառվող սահմանափակումները և շահերի բախումը («Հայաստանի Հանրապետության քննչական կոմիտեի մասին» Հայաստանի Հանրապետության օրենք).

7) Կոմիտեում ծառայողական վերադասությունը (Կոմիտեի նախագահի 2015 թվականի հունիսի 10-ի N 55-Լ հրաման).

8) Կոմիտեի ինքնավար պաշտոն զբաղեցնող անձանց գործուղման կարգը (Կոմիտեի նախագահի 2016 թվականի օգոստոսի 10-ի N 42-Լ հրաման).

9) Նախնական ուսումնասիրություն կատարելու աղիթները և նախնական ուսումնասիրության ընթացքում պարզաբանման ենթակա հանգամանքները (Կոմիտեի նախագահի 2018 թվականի սեպտեմբերի 5-ի N 147-Լ հրաման).

10) Խափանման միջոցներ կիրառելիս Հայաստանի Հանրապետության քաղաքացու անձնագիրը ժամանակավորապես վերցնելը և անհրաժեշտ տեղեկատվությունը տրամադրելը (Կոմիտեի նախագահի 2015 թվականի հոկտեմբերի 1-ի N 91-Լ հանձնարարական).

11) Հայաստանի Հանրապետությունում դիվանագիտական ներկայացուցչությունների, հյուպատոսական հիմնարկների և միջազգային կազմակերպությունների ներկայացուցչությունների հետ գրագրության կազմակերպման ընթացակարգը (Կոմիտեի նախագահի 2021 թվականի մարտի 23-ի N 32-Լ հանձնարարական).

12) Հանրային քրեական հետապնդման ենթակա անձը հայտնի չլինելու դեպքերով նախաքննության կազմակերպման առանձնահատկությունները (Կոմիտեի նախագահի 2022 թվականի օգոստոսի 25-ի N 135-Լ հանձնարարական).

13) Հայաստանի Հանրապետության քննչական կոմիտեում ինքնավար պաշտոն զբաղեցնող անձանց առաջխաղացման ցուցակի ձևավորման ընթացակարգը (Կոմիտեի նախագահի 2021 թվականի դեկտեմբերի 15-ի N 171-Լ հրաման).

14) Մինչդատական վարույթ իրականացնելու ընթացքում հայտնաբերված առերևույթ վարչական իրավախախտումների վերաբերյալ իրավասու մարմինն իրազեկելը (Կոմիտեի նախագահի 2022 թվականի օգոստոսի 31-ի N 139-Լ հանձնարարական).

15) Կոմիտեի ստորաբաժանումներում հերթապահություն սահմանելու գործընթացը (Կոմիտեի նախագահի 2015 թվականի ապրիլի 22-ի N 24-Լ հրաման).

16) Կոմիտեի ինքնավար պաշտոն զբաղեցնող անձանց կողմից Հայաստանի Հանրապետությունից մեկնելու վերաբերյալ իրազեկելը (Կոմիտեի նախագահի 2023 թվականի հունիսի 28-ի N 170-Լ հանձնարարական)

17) Աշխատանքի ռեժիմը և հանգստի ժամանակը Կոմիտեում (Կոմիտեի նախագահի 2022 թվականի հունիսի 14-ի N 93-Լ հրաման)։

18) Կոմիտեի ինքնավար պաշտոն զբաղեցնող անձի վարքագծի կանոնները պաշտոնեական հարաբերություններում (Կոմիտեի նախագահի 2022 թվականի հունիսի 14-ի N 93-Լ հրաման)։

19) Կոմիտեի ինքնավար պաշտոն զբաղեցնող անձի վարքագծի կանոնները ոչ պաշտոնեական հարաբերություններում (Կոմիտեի նախագահի 2022 թվականի հունիսի 14-ի N 93-Լ հրաման)։

20) Կոմիտեի ինքնավար պաշտոն զբաղեցնող անձի արտաքին տեսքին ներկայացվող և սոցիալական ցանցերից օգտվելու պահանջները (Կոմիտեի նախագահի 2022 թվականի հունիսի 14-ի N 93-Լ հրաման)։

21) Վճռաբեկ դատարանի 2024 թվականի մայիսի 31-ի թիվ ԵԱՔԴ/0196/01/17 նախադեպային որոշումը նոր քրեական օրենսգրքով հանցանքի դասակարգման խմբի փոփոխության դեպքում վաղեմության ժամկետների վերաբերյալ։

22) Վճռաբեկ դատարանի 2023 թվականի նոյեմբերի 10-ի թիվ ԵԴ/1424/01/21 նախադեպային որոշումը զենքը կամովին հանձնելու վերաբերյալ նախկին և գործող քրեական օրենսգրքերով նախատեսված իրավակարգավորումների վերաբերյալ։

23) Վճռաբեկ դատարանի 2024 թվականի սեպտեմբերի 6-ի թիվ ՀԿԴ/0121/01/22 նախադեպային որոշումը պաշտոնատար անձի նկատմամբ ունեցած իրական կամ ենթադրյալ ազդեցությունն օգտագործելու նպատակով ապօրինի վարձատրություն տալը հանցակազմի «խոշոր չափ» և «առանձնապես խոշոր չափ» հասկացությունների մեկնաբանման վերաբերյալ։

24) Վճռաբեկ դատարանի 2024 թվականի հոկտեմբերի 4-ի թիվ ԳԴ4/0004/01/19 նախադեպային որոշումը անհրաժեշտ պաշտպանության, սպանության, առողջությանը ծանր և միջին ծանրության վնաս պատճառելն անհրաժեշտ պաշտպանության սահմանազանցմամբ կատարելու վերաբերյալ։

25) Վճռաբեկ դատարանի 2023 թվականի նոյեմբերի 15-ի թիվ ՍԴ/0129/01/20 նախադեպային որոշումը բնակարան ապօրինի մուտք գործելով գույքի գաղտնի հափշտակության և ուրիշի գույքը ոչնչացնելու կամ վնասելու հանցակազմերի հարաբերակցության վերաբերյալ։

26) Վճռաբեկ դատարանի 2024 թվականի հունիսի 7-ի թիվ ԵԴ/0363/01/22 նախադեպային որոշումը մեղադրյալի բացակայությամբ վարույթը (հեռակա վարույթը) կարգավորող նորմերի՝ նախքան դրանց ընդունումն սկսված քրեական վարույթներով կիրառելու վերաբերյալ։

27) Վճռաբեկ դատարանի 2024 թվականի հուլիսի 30-ի նախադեպային որոշումը փողերի լվացման հանցակազմով խափանման միջոց կիրառելիս հիմնավոր կասկածի պայմանի վերաբերյալ.

28) Վճռաբեկ դատարանի 2024 թվականի ապրիլի 15-ի թիվ ՀԿԴ/0030/06/23 նախադեպային որոշումը խափանման միջոց կիրառելու վերաբերյալ քննիչի միջնորդությունը հարուցելու պահին վարույթի նկատմամբ հսկողություն իրականացնող դատախազի լիազորությունների վերաբերյալ.

29) Վճռաբեկ դատարանի 2024 թվականի փետրվարի 23-ի թիվ ԵԴ/1206/07/23 նախադեպային որոշումը քրեական պատասխանատվություն չնախատեսող ենթադրյալ արարքի պարագայում քրեադատավարական գործիքակազմի՝ բնակարանի խուզարկության իրականացման հնարավորության իրավաչափության վերաբերյալ.

30) Վճռաբեկ դատարանի 2024 թվականի հունիսի 21-ի թիվ 09/08.07.2021 և 05/08.07.2021 նախադեպային որոշումները «ներքին դիտում» օպերատիվ-հետախուզական միջոցառումների կատարման սահմանների վերաբերյալ, որը mutatis mutandis կիրառելի է նաև «ներքին դիտում» գաղտնի քննչական գործողության համար:»: